

Labib pou Zanfan  
prezant

Koumansman  
Foli Zom



Ekrir par: Edward Hughes

Ilistre par: Byron Unger; Lazarus  
Alastair Paterson

Adapte par: M. Maillot; Tammy S.

Tradir par: [www.christian-translation.com](http://www.christian-translation.com)

Prodir par: Bible for Children  
[www.M1914.org](http://www.M1914.org)

©2021 Bible for Children, Inc.

Lisans: Ou ena drwa kopie swa inprim sa zistwar la, tan ki ou pa vann li.



BONDIE FINN KREE TOU ZAFER!

Kan Bondie finn kree premie zom,  
Adam, li ti pe res dan Zardin Eden  
avek so fam, Ev. Zot ti parfetman

ere, zot ti pe obeir  
Bondie ek zot ti pe  
aprecie So prezans ziska  
ki enn zour...



"Eski Bondie finn  
dire zot pa manz fri  
depi okenn zarb?"  
serpan la finn demann  
Ev. "Nou kapav manz fri depi tou  
zarb exsepte enn," li finn repon.  
"Si nou manze soi nou tous sa fri  
la, nou pou mor." "Zot  
pa pou mor," serpan la  
finn repon avek enn  
sourir mesanste.



"Zot pou vinn  
kouma Bondie."  
Ev ti pe anv  
pran fri depi zarb la.  
Li finn ekout  
serpan la ek li  
finn manz fri la.



Apré ki Ev finn dezobeir Bondie,  
li finn donn Adam enn morso fri  
la ek li finn manz li. Adam ti  
bizin dir, "Non! Mo pa pou  
dezobeir Bondie  
So parol."





Apré ki zot finn  
komet pese, Adam ek Ev finn realize  
ki zot ti touni. Zot finn atas bann fey depi pie  
fig ansam pou fer bann linz. Zot finn abiy zot  
ek zot finn kasiet dan touf pou evit Bondie.



Dan freser aswar, Bondie finn vinn dan zardin.  
Li ti deza kone ki Adam ek Ev finn fer. Adam  
finn blam Ev. Ev finn blam serpan la.  
Bondie finn dir, "Sa serpan la ti modi.  
Fam la pou gagn douler kan li pou  
akouse." "Adam, akoz ton fer pese,  
later finn et modi avek bann  
zepinn. To pou bizin soufer ek  
transpire pou gagn  
to manze sak zour."





Bondie finn tir Adam ek  
Ev depi sa merveye zardin  
la. Acoz zot finn fer  
pese, zot finn et separe  
depi Bondie!






Bondie finn fer enn lepe dife pou  
gard zot andeor zardin. Bondie  
finn fer bann linz avek lapo pou  
Adam ek Ev. Kot Bondie finn  
pran sa bann  
lapo la?




Avek letan, Adam ek Ev finn fer enn fami.  
Zot premie garson, Kain, ti enn fermie. Zot  
deziem garson, Abel, ti enn berze. Enn zour  
Kain finn amenn inpe legim kouma kado  
pou Bondie. Abel finn ofer so bann  
meyer mouton kouma  
kado pou Bondie.  
Bondie ti  
bien kontan  
Abel so kado.



Bondie pa ti kontan Kain so kado.  
Kain ti bien ankoler. Me Bondie  
finn dir li, "Si to fer saki bon, to  
pa pou et aksepté?"



Kain so koler pa finn disparet.  
Inpe letan apre lor laplenn, li finn  
atak Abel - ek li finn touy li!



Bondie finn koz avek Kain. "Kot to frer, Abel?" "Mo pa koner," Kain finn koz manti. "Eski mwa ki gardien mo frer?" Bondie finn pini Kain par anpes li kiltiv later ek fer li vinn enn vakabon.



Kain finn retir li depi BONDIE So prezans. Li finn  
marye ek Adam ek Ev zot tifi. Zot finn grandi enn  
fami. Bien vit, Kain so bann ti zanfan  
ek aryer ti zanfan finn ranpli  
lavil ki zot finn fonde.



Pandan sa tan la, fami Adam ek Ev ti pe  
grandi bien vite. Avan, bann dimounn ti  
pe viv pli lontan ki aster la.






Kan so garson Set finn ne, Ev finn dir,  
"Bondie finn donn mwa Set pou ranplas  
Abel." Set ti enn zom ki bien respekte  
Bondie. Li finn viv 912 banane ek li  
finn gagn boukou zanfan.



Dan lemond, dimounn ti pe vinn pli move ek sa  
ti pe vin pli pir sak zenerasion. Finalman,  
Bondie finn decid pou detrir bann  
dimounn ek tou zanimo ek zwazo.  
Bondie ti sagrin Li finn kree zom.  
Me enn dimounn  
ti pe fer



Bondie  
plezir ...



Sa dimounn la ti Noe. Set so desandan, Noe  
ti enn dimounn zis ek san repros. Li finn swiv  
Bondie So sime. Li finn osi montre so  
trwa garson pou obeir Bondie. Aster  
Bondie finn prevwar enn  
mision bien etranz  
ek spesial pou  
Noe!



# Koumansman Foli Zom

Enn zistwar depi parol Bondie, Labib,

trouv dan

Zenez 3-6

"Dekuvrir To bann Parol aport lalimier."

Som 119:130



Lafin



Sa zistwar Labib la dir nou lor nou merveye  
Bondie ki finn kree nou ek ki anv'i zot kone Li.

Bondie kone nou finn fer bann move zafer, ek Li apel sa pese.  
Pinision pou pese se lamor, me Bondie kontan twa telman boukou  
ki Li finn anvoy So sel Garson, Zezi, pou mor lor enn Lakrwa ek  
finn et pini pou to bann pese. Lerla Zezi finn regagn lavi ek Li  
finn al So lakaz dan Paradi! Si to kroir dan Zezi ek to demann Li  
pardon pou to bann pese, Li pou fer li! Li pou vini ek Li pou viv  
dan twa aster, ek to pou viv ek Li pou touzour.

Si to kroir samem laverite, dir sa Bondie:  
Ser Zezi, mo kroir ki Toem Bondie, ek To finn vinn enn zom pou  
mor pou mo bann pese, ek aster To pou viv ankor. Silteple vinn  
dan mo lavi ek pardonn mo bann pese, koumsa mo kapav gagn enn  
nouvo lavi aster, ek enn zour mo pou al avek Twa pou touzour. Ed  
mwa pou obeir Twa ek viv pou Twa kouma To zanfan. Amen.

Lir Labib ek koz avek Bondie toulezour! Zan 3:16

